

PROGRAM PODRŠKE MARGINALIZIRANIM GRUPAMA (PPMG)

APRIL 2016.

TRENINGOM O TEMI IZRADA STRATEŠKIH PLANOVA ZAVRŠEN CIKLUS TRENINGA ZA ORGANIZACIJE CIVILNOG DRUŠTVA KOJE SE BAVE PITANJIMA OSOBA S INVALIDITETOM

Program podrške marginaliziranim grupama (USAID/PPMG) organizirao je trening o temi Izrada strateških planova. Trodnevni trening održan je u Tesliću u periodu 26-28.4.2016. g. Ovim treningom završen je ciklus treninga koji je USAID/PPMG organizirao u svrhu jačanja kapaciteta organizacija koje se bave pitanjima osoba s invaliditetom.

Trener je, u okviru radionica naglasio zašto je važno

strateški planirati i nastojao je približiti učesnicima/ama osnovne elemente strateškog plana i metode njihovog definiranja.

Budući da su predstavnici/e organizacija koje su delegirale svoje predstavnike/ce na trening potvrdili da nemaju kreiran strateški plan, trener ih je upoznao s načinom definiranja vrijednosti organizacije te s pitanjima koja treba razmotriti prilikom određivanja vrijednosti organizacije ali i prilikom određivanja korisnika i njihovih potreba.

Drugi dan treninga posebna pažnja posvećena je značaju analiza i njihovoj ulozi prilikom kreiranja strateškog plana. Učesnici/e treninga su prilikom grupnog rada i uz trenerovu pomoć definirali ključna pitanja za razvoj organizacija te odredili strateške fokuse i ciljeve.



SADRŽAJ

Treningom o temi izrada strateških planova završen ciklus treninga za organizacije civilnog društva koje se bave pitanjima osoba s invaliditetom.....	1
Učesnici o održanom ciklusu treninga	2
Održane monitoring posjete	4
Servis centri uspješno realiziraju svoje aktivnosti	4



Gospoda Miličević prilikom izlaganja o temi Rodna ravnopravnost



Zajednička fotografija učesnika/ca treninga

Kako je trener, gosp. Zlatko Sarić istakao, strateško planiranje je izraz koji se danas često upotrebljava. „Nastojali smo organizacijama civilnog društva koje se bave pitanjima osoba s invaliditetom približiti i demistifikovati pojam strateškog planiranja te ih upoznati s metodologijom izrade strateških planova koji trebaju imati dodir sa stvarnošću ali imati i pokretačku snagu“, naglasio je gosp. Sarić.

U okviru treninga učesnici/e su imali priliku prisustvovati sesiji Rodna ravnopravnost u kontekstu teme. Gospođa Jadranka Miličević, predstavnica Fondacije CURE predstavila je učesnicima/ama treninga zakonski okvir koji regulira pojam rodne ravnopravnosti u BiH kao i konvencije koje je BiH usvojila. Gđa Miličević istakla je koliko je važno dobiti podršku rukovodstva i držati ih uključenim ali i tretirati lokalno osoblje i partnere kao potencijalne resurse a ne kao prepreke. Također, naglasila je važnost rodno senzitivnog jezika ali i značaj rodnih analiza.

UČESNICI O ODRŽANOM CIKLUSU TRENINGA

USAID/PMMG u periodu od septembra 2015.g do maja 2016.g. organizirao je ciklus treninga za organizacije civilnog društva koje se bave pitanjima osoba s invaliditetom. Organiziranjem treninga o različitim temama željeli smo pomoći organizacijama da izgrade i razviju vlastite kapacitete.

Održano je ukupno 6 treninga o sljedećim temama: Pravna i organizacijska struktura, Administracija i ljudski resursi, Javno zagovaranje, Finansijsko upravljanje, Pisanje projektnih prijedloga-upravljanje projektnim ciklusom i Izrada strateških planova.

Kako je naglasio jedan od trenera Zlatko Sarić, treningu su prisustvovale organizacije koje imaju potrebu za dalnjim učenjem ali što je još važnije pokazuju volju i želju za učenjem.

Impresioniran sam stepenom želje organizacija da uče. Ovdje su bile organizacije različitog stepena razvitka. Većinom se radi o organizacijama koje imaju potrebu za dalnjim jačanjem i ono što je primjetno je da oni to zaista žele. Ta želja je prepostavka za uspjeh.

Zlatko Sarić, trener



Mislim da je svaka tema podjednako značajna. Seminari su kvalitetno organizovani. Smatram da je svaka oblast podjednako značajna i svaku će primjenjivati u radu.

Mitra Bjeković

Napravili smo jedan iskorak, upoznali smo se i umrežili. Pored predavača koji su kvalitetni i stručnjaci u svojim oblastima uspostavili smo i interakciju između samih udruženja što je veoma značajno jer se radi o udruženjima koja se bave istom problematikom.

Samir Mulić

Što se tiče rada fondacije, s obzirom na to da smo osnovani u junu prošle godine, USAID-ovi seminari su jedni od prvih na kojima učestvujemo. Već s prvim seminarom je došlo do reorganizacije u sklopu

same fondacije i to prilikom formiranja upravnog odbora.

Daniela Mešalić

Što se tiče teme strateško planiranje mogu reći da nisam bila upoznata s temom i da sam dosta toga novog saznala. Naša organizacija ima program i plan koji je fleksibilan i koji se mijenja. Dosad nismo imali strateški plan. Na neki način smo redefinisali misiju i viziju koju smo već imali. Što se tiče SWOT analize uvidjeli smo svoje snage i slabosti, prijetnje i mogućnosti a to je nešto što konkretno možemo primijeniti u organizaciji i što nam konkretno može pomoći u radu organizacije. Mislim da ćemo u skorije vrijeme napraviti strateški plan koji će nam pomoći da odredimo gdje smo, šta želimo i kako da postignemo željeni cilj. Imala sam zadovoljstvo prisustvovati svakom treningu koji je



organizovan u ovom nizu. Izdvojila bih treninge o temi Javno zagovaranje, Pisanje projektnih prijedloga i Izrada strateških planova jer su mi temom najbliži. Na treningu o temi Pisanje projektnih prijedloga mala sam priliku da se prvi put susretнем s logičkim okvirom i to je nešto što možemo primjenjivati prilikom pisanja projektnih prijedloga u budućnosti. Smatram da izgradnjom ličnih kvaliteta možemo utjecati na razvoj organizacije i pružanje kvalitetnijih usluga našim korisnicima.

Jelena Jovović

ODRŽANE MONITORING POSJETE

U aprilu 2016. g., tim PPMG-a je posjetio korisnike grantova čiji su projekti odabrani po javnom pozivu Inicijativa za promoviranje odgovorne deinstitucionalizacije osoba s invaliditetom (ODI).

Posjeta se odnosila na tri segmenta: proces primjene preporuka PPMG tima, realizacija projekta, te OCA proces (samoprocjena organizacijskih kapaciteta). S obzirom da je jedan od najvažnijih ciljeva PPMG-a institucionalno jačanje ovih organizacija, PPMG tim je prilikom predgrantovske procjene kojim se utvrđivala zrelost i sposobnost organizacije da bude korisnik granta dao određene preporuke, s naglaskom na oblasti organizacijskog i finansijskog menadžmenta. Utvrđeno je da su skoro sve organizacije/korisnice granta započele sa procesom primjene preporuka, koje će im, prema njihovim riječima umnogome olakšati rad, te učiniti njihove organizacije funkcionalnijim.

Također, s ciljem doprinosa njihovoju održivosti i efikasnijem ispunjenju potreba njihovih ciljnih grupa, započet je OCA proces (samoprocjena organizacijskih kapaciteta). Cilj je pomoći udruženjima da sami procijene kritične elemente vezane za sve aspekte njihovih institucionalnih kapaciteta i identificiraju one zone u kojima ih je potrebno dodatno ojačati. OCA proces rezultirat će kreiranjem i provedbom plana izgradnje

kapaciteta za oblasti za koja udruženja procijene da je potrebno jačati. Tim za organizacijski razvoj ovog Programa pružat će savjetodavnu podršku navedenim udruženjima tokom cijelog OCA procesa.

SERVIS CENTRI USPJEŠNO REALIZIRAJU SVOJE AKTIVNOSTI

U okviru monitoring posjeta održanih u mjesecu aprilu USAID/PPMG tim je održao sastanke s projektnim timovima koji vode servis centre u Sarajevu i Banjaluci. Nakon otvorenja centara 2015. g. oni i dalje uspješno realiziraju svoje aktivnosti.

Pored provođenja i promoviranja aktivnosti koje provode za svoje korisnike i usluga koje im pružaju servis centri rade i na izgradnji vlastitih organizacijskih kapaciteta. S tim u vezi članovi projektnih timova sudjelovali su na brojnim treninzima i edukacijama kako bi usavršili svoje vještine i doprinijeli razvoju organizacije te omogućili svojim korisnicima kvalitetnije usluge. Također, predstavnici/e organizacija su održali i brojne sastanke kako bi s različitim organizacijama i institucijama uspostavili saradnju.



Udruženje "Dajte nam šansu" iz Sarajeva i Dječji edukativni centar "Svjetlice" iz Banjaluke i u aprilu su nastavili uspješno provoditi redovne aktivnosti u koje spadaju:

- **Kratki odmor**
- **Vanjske aktivnosti**
- **Muzikoterapija**
- **Opservacija djece kod koje postoji sumnja na poteškoću**
- **Pružanje informativne pomoći**
- **Psihološka podrška za roditelje**
- **Mobilni tim**
- **Pomoć pri angažiranju asistenta u nastavi**
- **Edukacija pripravnika**
- **Opservacija**



Pored redovnih aktivnosti organizacije su u servis centrima organizirale i druge aktivnosti koje doprinose njihovom jačanju ali i raznovrsnosti ponude u centrima.

U skladu s tim, centri su u proteklom periodu organizirali predavanja, fokus grupe, okrugle stolove, radionice za roditelje djece s poteškoćama u razvoju. Također, organizirane su i sportske aktivnosti za korisnike centra, kreativne inkluzivne radionice za djecu i plesne radionice za djecu. Održana je i promocija priručnika „Kad govor zakisni“ te predavanje o temi „Govorno jezičke smetnje i mucanje“.

Od početka projekta do kraja marta u servis centru u Sarajevu pružena je 4761 usluga dok je u servis centru u Banjaluci u istom periodu pruženo 3066 usluga.

Usluge servis centara koristi 766 korisnika odnosno 292 porodice od čega njih 60 u Banjaluci a 232 u Sarajevu. U oba servis centra do kraja mjeseca marta pruženo je ukupno 7827 usluga.



USAID - Program podrške marginaliziranim grupama (PPMG)
Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.
Ul. 4. viteške brigade 34-36 • 71210 Ilidža • Bosna i Hercegovina
T: +387 33 778 766
F: +387 33 778 779
www.ppmg.ba